

後漢書辨疑

後漢書辨疑卷四

嘉定錢大昭晦之甫學

劉聖公傳

共攻離鄉聚 郡國志注有離鄉聚在江夏郡南新市

餘皆九卿將軍 案九卿將軍者如光武爲太常偏將軍

王常爲廷尉大將軍與王莽之納言將軍秩宗將軍相

類

五成中郎將李軼爲舞陽王 光武紀馮異耿純傳並作

舞陽王

遣李公曾朱鮪與赤眉戰於務鄉 說文務毒艸也注引字

以爲毒艸則字當从艸从務若作務則是卷耳艸矣

續志作務鄉在恆農縣

鄧益子傳

祖父憲元帝時封爲式侯 憲城陽荒王子

宰論殺之 王莽改縣令長爲宰故稱宰

及前西安侯劉孝最爲近 前書王子侯表城陽王後有

要安侯無西安侯

諸三老從事皆大會陞下 赤眉樊崇初起兵自號三老

後分萬人爲一營凡三十營營置三老從事各一人故

云諸也

自楊音以下皆爲列卿軍 案列卿下當有將字劉聖公

傳亦云餘皆九卿將軍也楊音之列卿爲大司農

自更始敗後幽閉殿門 門當作內

注言佼佼者見鋪之人稍爲勝也 見當作凡

溺社稷汧井竈 汧當作汧

王昌傳

識命者郎中李曼卿 東觀記知命者謂侍郎韓公等

南獄諸劉爲其先驅 莽始建國元年分四方爲四獄故

有南獄之稱猶云南方耳隗囂傳云威命四布宣風中

岳與此同意諸劉謂嚴鄉侯信安衆侯崇徐鄉侯快陵

鄉侯曾扶恩侯貴等亦不專指聖公光武疑注誤

光武自薊得郎檄 檄謂王郎移檄購光武十萬戶

劉永傳

茂遂反殺淮陽太守 太守姓潘名寔

四年秋遣捕虜將軍馬武騎都尉王霸圍紆建於垂惠

案本紀及王霸傳俱作偏將軍此云騎都尉疑誤

時平狄將軍龐萌反叛 蓋延傳作平敵將軍

自號東平王屯桃鄉之北 郡國志任城縣有桃聚注云

光武破龐萌于桃鄉

悉其兵數萬人屯昌慮 昌慮屬東海郡

步騎數千人屯建陽 地理志東海有建陽縣中興省

迎憲入剡城吳漢等復攻拔剡 剡皆當作鄒鄒東海縣

張步傳

建武三年光武遣光祿大夫伏隆持節使齊 案伏隆使

齊傳有二年冬此云三年疑誤

與弟宏蘭欲招其故衆 案上文及耿弇傳俱作藍此蘭
字疑誤

李憲傳

李憲者潁川許昌人也 許昌本許縣獻帝徙都加昌字

疑衍昌字

彭寵傳

地皇中爲大司空事 事當作士隗囂爲國師劉歆士是
也南監本不誤

盧芳傳

王莽末乃與三水屬國羌胡起兵 時安定屬國都尉治

三水縣故言三水屬國耳

雲中太守橋扈 本紀作喬扈

初安國屬國胡與芳爲寇 安國疑當作安定郡國志安定無屬國然光武紀建武二十一年安定屬國胡叛桓帝紀永壽元年南匈奴叛安定屬國都尉張魚討之又隸釋劉寬碑陰有安定屬國都尉孟扶據此則東京有安定屬國也南監本不誤

注今秦州奉羌縣 奉羌閩本作伏羌

隗囂傳

偽作符書 作閩本作詐

注朱光世曰南山之竹 光世當作安世

由此名震西川 川當作州 器自稱西州上將軍

於是禹承製造使持節命器爲西州大將軍得專制涼州朔方事 案是時禹以前將軍遣西入關令自選偏裨以下蓋許其便宜從事故承制拜器爲大將軍又承制拜李文爲河東太守悉更置屬縣令長也

注今原州平原縣南有涇陽故城 平原當作平高 黥布以劍以歸漢 以劍當作杖劍

器將妻子奔西城 西城卽西縣故屬隴西積漢書屬漢陽郡注以西城爲縣名誤

公孫述傳

述遂使將軍侯丹開白水關 水經注白水出隴西臨洮

縣西南西頃山東南流入陰平又東南逕廣漢白水縣
臨洮與西縣接界故天水之西縣有白水關而廣漢之
白水縣亦有白水關自源徂流同一白水也其故關城
在唐梁州金牛縣西

三年征西將軍馮異擊鮪育于陳倉大敗之鮪育奔漢中
此事本紀及馮異傳俱在建武四年此作三年誤案
馮異傳云公孫述遣將程焉將數萬人就呂鮪出屯陳
倉異與趙匡擊破之焉退走漢川異追擊于箕谷復破
之還擊破呂鮪營保據此則陳倉之敗漢中之奔皆程
焉與李育也故異還而復破呂鮪此言鮪育亦誤

一姓不得再受命 陳景雲曰一姓不再命尙書帝命驗

之文見詩文王正義

喟然自以爲武王復出也 武王當作文王

使西州豪傑咸居心於山東 居心闕本作歸心

破虜將軍馮駿等 破字上脫擊字破字下脫威字當從

岑彭傳作擊破威虜將軍馮駿等

齊武王纘傳

汧比陽縣有藍鄉 比陽當作棘陽

南渡潢淳水 潢當作黃下同

汗蕭該音淳水諄者誤 案水當爲作南監本不誤

臨泚水 泚當作泚

至宜秋注宜秋聚名在泚陽縣 郡國志宜秋聚在平氏

縣

背畫伯升像於塾且起射之注塾東觀記續漢書並作埽
案塾字說文新附古用埽

注魯陽縣屬南郡 南郡當作南陽郡

十一年徙章爲齊王十五年追謚伯升爲齊武王 案本
紀建武十三年章降爲齊公興降爲魯公十五年追謚
兄伯升爲齊武公仲爲魯哀公此云十一年誤當作十
三年伯升及仲追謚並當從本紀作武公哀公

論豈游俠下客之爲哉 陳景雲曰下客謂折節下士也

注非

北海靖王興傳

道謚仲爲魯哀王 王當作公說見于上

注臨邑縣屬東海 東海當作東郡

與詣者僕射劉珍 詣當作謂

趙孝王良傳

十三年降爲趙公 本紀建武十九年進趙國公爵爲王

傳失載進爵事則下文子節王栩嗣句無根

城陽恭王祉傳

注留子男昌不賁墓 案不賁當是守墳二字之譌南監

本不誤

泗水王欽傳

又奉終子鳳曲陽侯 奉當作封南監本不誤

茂自號劉失職 失闕本作先

更封茂爲穰侯 本紀作單父侯

注朝陽縣屬南郡 南郡當作南陽郡

浮弟尙永平中爲征西將軍 案劉尙永元元年以中郎將爲車騎將軍九年行征西將軍此作永平誤也

安成孝侯賜傳

同拋財產 拋非古字古作抱史記三代世表云抱之山中注音普茅反是也班勇傳今不廓開朝廷之德而抱屯戍之費義亦同拋隸變而譌爲拋爾

注蔡陽國谷亭侯長醉詢更始父子張 陳景雲曰詢當作詢玉篇詢罵也

近更始妻子將詣洛陽 近當作迎

時幸其弟 弟古第字

帝復封閩弟嵩爲白牛侯 閩福建本作閩下同

成武孝侯順傳

因拜爲六安太守 六安本王國莽篡國除爲郡故有太

守

坐與諸王交通降爲端氏侯 端氏縣名既是降封必非

縣侯矣端氏下疑脫一字

注潁川潁王縣西北有甘城 案續志潁川有潁陽潁陰

無潁王監本作潁上當從之

順陽侯侯嘉傳

爲更始柱功於李實所破 實當作寶下文及鄧禹傳俱

作寶

李通傳

會光武避事在宛 陳景雲曰按它處皆作避吏此因相

似而誤

注掘上手得半寸刀 掘當從闔本作握

共語移曰掘手極歡 掘闔本作握

捕虜將軍王霸等十營 捕虜馬武也此當作討虜

注順陽縣屬南郡 南郡當作南陽郡

案有消疾 案消疾與司馬相如消渴病同所謂消中之

疾也若周官疇首疾乃四時疫癘之疾章懷合疇首消

中爲一非是

注安衆侯劉崇與宗人討莽有功 陳景雲曰崇當作寵
據前表安衆侯崇居攝元年舉兵爲王莽所滅建武二
年以崇從父弟寵紹封蓋崇死於莽未篡漢之先安得
身佐中興乎此必傳寫之誤

王常傳

潁川舞陰也 陰當作陽

此所以祐吾屬也 此字下通鑑有天字
來欽傳

器遂遣子恂遂欽入質 遂欽當作隨欽

從番須回中徑至洛陽 洛陽當作略陽

注心腹已壞則制其支體也 支體下脫易字

於是置酒高會勞賜歛班坐絕席在諸將之右 案王常
爲橫野大將軍位次亦與諸將絕席馬防貴寵最盛與
九卿絕席梁冀傳每朝會與三公絕席張禹傳每朝見
特贊與三公絕席皆所以尊顯之

高帝重之以懸賞 當從閩本作高帝懸之以重賞
歛乃伏脩攻具 伏閩本作大

故改汝南之當鄉縣爲征羌國焉 案地理志汝南無當
鄉縣水經注云征羌故邵陵縣之安陵鄉安陵亭也續
漢志召陵有安陵鄉征羌侯國有安陵亭並不言故當
鄉據此則酈氏似得其實傳以爲當鄉縣疑誤

入應傳

聖及其女永 案王聖女順帝紀泗水王傳及宦者傳並作伯榮此獨作永與彼不同

論王常知命功惟帝念 案常傳光武勞之曰王廷尉甚苦每念往時共更艱難何日忘之故云功惟帝念也注誤

卯禹傳

注上率禹等擊王郎橫野將軍劉發 發岡本作奉

百姓不親五品不訓 訓古文尙書作遜今文作訓說文遜順也引書曰五品不遜周頌烈文云四方其訓之春秋左氏傳引作四方其順之史記魯世家云宣王伐齊

殺其君伯御而問魯公子能道順諸侯者徐廣曰順一作訓張守節曰順音訓漢書敘傳云實渠諶而相順文選順作訓是訓與恐順同義順與訓同音也

情遂殺歆因反擊禹 據隗囂傳情叛在二年此在元年康以太后久臨朝政 至 遂免康官遣歸國絕屬籍 案此事凡一百三十餘言已見鄧后紀不必復載

鄧訓傳

先欲脅月氏胡 據上文則月氏上當有小字

燒富豪帥東號稽顙歸死 東號東吾子也

鄧騰傳

時遭元二之災注元二卽元元也 案隸釋云予按漢刻

如北海相景君及李胡夫人碑之類凡重文皆以小字贅其下非若司隸校尉楊孟文石門頌之中遭元二西夷殘虐遂書爲大二字也又孔叟碑云遭元二轆軻人民相食若作元元則下文不應又言人民漢注之非明矣王充論衡云今上嗣位元二之間嘉德布流三年零陵生芝艸四年甘露降五年芝復生六年黃龍見章帝紀所書建初三年以後龍芝甘露之瑞皆同則論衡所云元二者蓋謂卽位之元年二月也鄧君傳所云元二者亦謂元年二年也安帝紀書兩年之間萬民飢流羌貊叛戾又與傳同楊孟文碑所云西戎虐殘橋梁斷絕正是鄧隲出師時史傳碑碣皆與論衡合建初者章

帝之始年永初者安帝之始年乃知東漢之文所謂元二者如此

取廢帝故事謀立平原王得得疑當爲翼

注況其後嗣乎閩本此句下有事見古史考五字

寇恂傳

後徙封損扶柳侯案水經注長蘆水又東逕扶都縣故城南建武三十年封寇恂子楫爲侯國此作損彼作楫此作扶柳彼作扶都未知孰是

馮異傳

異因薦邑子銚期叔壽銚期與異皆潁川人故云邑子叔壽後爲破虜大將軍

尚得脫歸宜陽 獨以二十四騎還

餘衆尚十餘萬東走宜陽 案劉盆子傳云光武敕諸將
曰賊若東走可引宜陽兵會新安賊若南走可引新安
兵會宜陽是宜陽在關以南也本紀云餘衆南向宜陽
劉盆子傳亦云赤眉遂出關南向此作東走非也

始雖垂翅回谿終能奮翼鼃池 東觀記云馮異字公孫
升爲征西將軍與赤眉相距上命諸將士屯鼃池爲赤
眉所乘反走上回谿阪異復合兵追擊大破之殲底璽
書勞異曰垂翅回谿奮翼鼃池見文選西征賦注

蓋延據蓋屋 蓋字疑衍

公孫述遣將程焉 程焉本紀同公孫述傳焉作烏

將數萬人就呂鮪 呂鮪隗囂傳同公孫述傳呂作李

願君無忘射鉤 論衡吉驗篇云齊襄公之難桓公爲公

子與子糾爭立管仲輔子糾鮑叔佐桓公管仲與桓公
爭引弓射之中其帶鉤夫人身長七尺帶約其要鉤挂
于帶在身所掩不過一寸之內旣微小難中又滑澤鋸
靡鋒刃中鉤者莫不蹉跌管仲射之正中其鉤中矢觸
因落不跌中旁肉命當富貴有神靈之助故有射鉤不
中之驗

未至隗囂乘勝 閩本未下有及字

蓋蕭曹紹封傳繼於今 案本紀永元三年詔以曹相國
後容城侯無嗣求近親紹封注誤

岑彭傳

與將軍徭偉領淮陽 徭疑當作搖廣韻搖下言姓徭下
不言姓

從河內太守邑人韓歆會 彭與歆俱是南陽人故云邑
人猶言邑子也

建武二年使彭擊荊州 案彭擊荊州本紀在元年十月
此云二年誤

注臨沮中沮廬 下沮字衍

拔黃郵注在南陽新都縣 新都當作新野

沿江派河止黎丘 止當作上

夾川谷少水險難漕運 谷當作穀

起浮橋關樓立橫柱 關樓通鑑作關樓注云猶今城上

敵樓也叢木爲柱曰橫柱

吳漢以三郡棹卒多貴糧穀 貴闕本作費

彭奇船逆流而上 陳景雲曰是時魯奇應募以偏師獨
進岑彭見敵勢已摧乃悉軍並進耳彭不與奇同行此
文不合有彭字

率二萬餘人拒黃石 杜佑曰今謂之橫石灘

賈復傳

方任以職勿以擅除 勿以闕本作勿得

復率然對曰 率然與率爾同意

吳漢傳

傳在四年冬蓋自四年冬出至明年春成功也

案此事本紀在五年二月而

使副將武威將軍劉向 向當作尙朝陽侯劉浮之弟也

祭遵馬成傳亦誤南監本此條不誤

漢使護軍高午 續天文志作護軍將軍高午

置宕庸常關以東 常關當作常山關說見本紀

漢性彊力 案彊力二字疑卽彊字也誤分爲二說文彊

迫也古文作彊爾雅強勤也孟子強爲善而已矣皆當

爲彊

方整厲器械激揚士吏 案士吏疑當作吏士

初無辦嚴之日 嚴卽裝也避諱故然上文裝露橈船又

岑彭傳裝直進樓船皆作裝蓋蔚宗承用舊文改之有未盡耳

蓋延傳

以延爲虎牙將軍 案本紀及諸傳俱作虎牙大將軍疑脫大字虎牙取其威武所謂雜號將軍也王莽將王邑嘗爲虎牙將軍

承爲其將所殺 承將慶吾也

及龐萌反攻殺楚郡太守 太守孫萌也袁宏後漢紀作

楚相非是

延走北度泗泗水破舟楫 泗字闕本不重

陳俊傳

嘉遣書薦俊 遣疑遣字之譌

大司馬吳漢承制拜俊爲彊弩大將軍 案本紀及吳漢
耿弇等傳但言彊弩將軍無大字是時蓋以彊弩將軍
行大將軍事猶下文拜俊太山太守行大將軍事也
轉徇汝陽及頌 頌閩本作項

臧宮傳

潁川潁人也 潁當作郊南監本不誤
疫困之力 之當作乏

後漢書辨疑卷四終

後漢書辨疑卷四

古

精李沈氏銅
對斗齋叢書

後漢書辨疑卷五

嘉定錢大昭晦之甫學

耿弇傳

攻厭新賊於敖倉皆破降之 時宗室劉茂自號厭新將

軍率衆降封爲中山王

封牟平侯 封字下疑脫舒字況長子弇封好時次子舒
封牟平故以少子霸嗣封隃糜也若以牟平爲況所食
邑則傳當云徙封牟平矣不然霸襲況爵而牟平之封
反屬之舒有是理乎熊方異姓侯表有牟平烈侯耿况
知北宋本已脫誤

道弇與吳漢擊富平獲索賊于西原 西原當作平原闕

本不誤

乃使其大將軍費邑軍懸下 大將軍袁紀作濟南王張步封費邑爲濟南王故有是稱

自旦攻城未中而拔之 未中上疑有日字

費敢悉衆忘歸張步 忘當作亾

護軍荀梁等爭之以爲宜速攻西安 梁等以爲攻臨菑

西安必救之攻西安臨菑不能救故欲攻西安

追至鉅昧水上 水經注巨洋水出朱虛縣東太山袁宏

謂之鉅昧水王韶之以爲巨蔑北過臨朐縣東又北過

臨朐縣西又東北過壽光縣西

羣臣大會弟謂彛曰 弟是帝字之譌南監本不誤

爲河陽太守 河陽當從注作河東

寶弟子承襲公主爵爲林慮侯 案寶父襲尙隆慮公主
寶旣襲父爵爲半平侯則襲母爵者必是寶弟矣傳云
寶弟子疑衍子字

論弁決策河北 閩本弁上有耿字

耿秉傳

封秉美陽侯 案水經注云永元二年更封鄣雍侯耿秉
爲美陽侯傳不言其初封鄣雍此是章和彼作永元亦
不同

丞相司直章況 况 况 謀起兵誅操 案本紀及三輔決錄
注並作章况則此况字衍文况下 况字亦衍

耿夔傳

以夔爲大將軍左校尉 南匈奴傳作右校尉

乃封夔栗邑侯 栗當作粟

耿恭傳

乃以恭爲戍己校尉 衍己字閩本不誤時恭爲戍校尉

關寵爲己校尉

姚期傳

熊弟陸謀欲反城迎植鄉 反字不當斷句

祭遵傳

注杜衍縣名屬河南郡 河南當作南陽

又建爲孔子立後奏置五經大夫 建疑當作遵

祭彤傳

及赤山烏桓連和強盛 烏桓傳云赤山在遼東西北數

千里

彤有勇力能貫三百斤弓 史記五子胥傳云五胥貫弓

執矢嚮使者注云貫烏還反司馬貞曰張滿弓鄭注鄉
射云古文貫作關

任光傳

軍人見光冠服鮮明 服之華麗者謂之鮮明前書辛慶
忌傳云性好輿馬號爲鮮明唯是爲奢王吉傳云皆好
車馬衣服其自奉養極爲鮮明游俠傳云卒皆贏車小
馬不上鮮明

拜曾東萊郡太守 邵字疑衍

李忠傳

世祖會諸將問所得財物唯忠獨無所掠 是時兵少執力虛弱聽任光之計募發奔命出攻傍縣若不降者恣聽掠之人貪財物則兵可招而致故問所得財物此權宜行之耳忠無所掠特優賜以寵異之故能上合天心下孚衆望非若更始居長樂宮升前殿而問諸將後至者虜掠得幾何也

萬脩傳

更始時爲信都尉 尉當從任光傳作令閭本不誤

邳彤傳

明公既西則邯鄲城民不肯捐父母背城主而千里送公
是時邯鄲爲王郎所據或疑邯鄲二字有誤案通鑑
考異云據文意兩城字皆當作成邯鄲成謂邯鄲勢成
也成主謂王郎爲已成之主也此說得之

朱祐傳

帝因笑曰主人得無舍我講乎 東觀漢記云初上學長
安過朱祐宅祐留上須講竟乃談話及帝登位車駕幸
祐第問主人得無去我講乎祐曰不敢見文選爲范尚
書讓封侯表注

景丹傳

景丹字孫卿 廣韻景姓齊景公之後

何意二郡良爲吾來 後漢紀良下有牧字

杜茂傳

進攻西攻 西攻當作西防閩本不誤

涼誅其豪右郭氏之屬 郭闔本作郇

劉隆傳

歲郡上將軍印綬 郡當作餘南監本不誤

帝令虎賁將詰問吏 虎賁將疑卽虎賁中郎將

馬武傳

進至安定次小廣陽 陳景雲曰安次勃海屬縣也以光

武紀耿弇傳證之則定字之衍明矣小廣陽注亦以弇傳爲是注不出一人之手故多互異

征西大將軍陽夏侯馮異 胡三省曰馮異傳異封陽夏侯馬武傳末列二十八將官位姓名曰夏陽侯馮異陽夏縣屬淮陽郡夏陽縣屬左馮翊未知孰是大昭案今本亦作陽夏蓋後人據本傳改

賈融傳

以軍功封建武男 王莽時男爵可攷者有利苗男訢脩寧男遵集胡男何封瓜寧男瓜田儀明學男張邯并此建武男凡六人

金城太守庠鈞 三史拾遺曰古讀庫有舍音猶車音尺遮反余音食遮反也廣韻四十禡部別出庠字云姓也此流俗妄造之字

泗泉都尉竺曾 廣韻竺姓出東莞後漢擬陽侯竺晏本
姓竹報怨有仇以肖始名賢不改其族乃加二字以存
夷齊而移于琅邪莒縣也大昭案漢書西域傳有謁者
竺次則非東漢人避仇而改矣

竇固傳

來苗文穆至匈奴河水上 匈奴河當作何河前書何河
去令居數千里

復代馬防爲衛尉 馬防當作馬光

竇憲傳

躬于大麓 時憲以侍中內幹機密出宣詔命故以大錄
萬機稱之

爰該六師 說文該軍中約也前書藝文志五行家有五
音奇胘用兵二十三卷注云胘軍中約蓋該胘古字通
注非

從事中郎二人六百石 案從事中郎下當有將字說見
百官志下文憲遣大將軍中護軍班固行中郎將即大
將軍官屬之中郎將也

詔執金吾五校尉勒兵屯衛南北宮 五校尉屯騎越騎
步兵長水射聲也皆屬北軍中候時竇霸爲城門校尉
因誅竇氏故不勅令勒兵

馬援傳

注是時員爲護苑使者 案前書百官表無此官然車騎

將軍王音嘗薦谷永爲護苑使者見永傳

納王游翁諂邪之說 案隗囂傳王元字惠孟而此又稱其字曰游翁是一人有二字也

援聞之不自知其下也 案知其下當有泣字南監本其作泣

良怖急者可狀下伏 狀當作牀

上書言宜如舊鑄五銖錢 王莽始建國元年廢五銖錢故請復之

帝嘗言伏波論兵與我意合 兒子東垣曰援拜伏波將軍尚在下文此處不宜先稱

而反游京師長者 陳景雲曰長者猶言貴人耳鄭衆辭

皇太子山陽王之聘梁松諷以長者意不可逆是也家
俠之解似未當

以當替人夜誦之音 夜誦樂官名說詳前書禮樂志注
非是

馬防傳

兩南部都尉於臨洮 案前書臨洮南部都尉治

防乃別使兩司馬將數百騎 案續志將軍長史司馬皆
一人此言兩司馬故下文防遣司馬夏駿又遣司馬馬
彭也

及隴西長史 續志郡當邊戍者丞爲長史
其令許侯思德田廬 許侯當作許陽侯

馬嚴傳

徵拜侍御史中丞 案續漢書百官志御史中丞一人千石本注曰御史大夫之丞也及御史大夫轉爲司空因別留中爲御史臺率後又屬少府嚴所拜者卽此職疑徵拜下衍侍字志又有治書侍御史二人侍御史十五人皆六百石非中丞也或先拜侍御史而遷中丞亦未可定

遷五官中郎 觀下文復以五官中郎將行長樂衛尉事知此中郎下脫將字

卓茂傳

劉宣安衆侯崇之從弟光武以宣襲封安衆侯 陳景雲

曰據前表建武初以崇從父弟寵紹封安衆侯其名與
范史不同又據謝承書安衆侯有預討王莽佐平王郎
大功非避世者不知范史何以復異若此

魯恭傳

父某 史闕名

遠滅於史侯河西 南匈奴傳作安侯河西

魏霸傳

和帝崩典作順陵 和帝紀注云慎陵俗本作順者誤

劉寬傳

父崎順帝時爲司徒 案劉寬碑云公之考乃作司徒輔

毗安順勲載二葉是崎于安帝時已爲司徒碑文立于

其時必不誤也今范書本紀及傳皆無安帝時崎爲司徒事失其實矣

時京師地震特見詢問再遷出爲東海相延熹八年徵拜尚書令 碑云州郡禮招三公竝辟皆不諛志大將軍辟舉高第拜侍御史遷梁令喪舊君去官博士徵三府辟皆又不到司隸校尉察茂材太尉舉有道公車徵拜議郎司徒長史入登侍中延熹八年地震有詔詢異公以演策沈漸對當帝心轉拜尚書遷東海相南陽太守帝初卽位徵拜太中大夫遷侍中屯騎校尉宗正光祿勳太尉洪景伯曰碑以對地震拜尚書在八年傳則以問地震相東海在前而八年所拜乃尚書案帝紀延熹

八年九月丁未京師地震傳之誤也

嘉平元年 嘉當作熹

後以日食策免 據劉寬碑熹平五年之免太尉以固疾
光和四年之免太尉以日食傳似誤

以先策黃巾逆謀以事上聞 碑云先是時也狂寇張角
妖逆公仰觀見象上過其源未逮誅討亂作不旋帝乃
追寶先謀錫之土田

伏湛傳

唯云願降司徒伏公 司徒上當有大字

子完嗣 伏完事跡見於后紀故此不備書

侯霸傳

師事九江太守房元治敎梁春秋爲元都講 案前書儒

林傳房鳳字子元不其人也其敎梁春秋學傳自諫大夫尹更始哀帝時鳳爲九江太守此云房元卽房鳳也不書名而書字不書全字而單舉其一未知何故

建武四年光武徵霸與車騎會壽春拜尙書令 車騎閔本作車駕建武三年霸奏朱浮罪當伏誅時已爲尙書令則非四年始拜也

其後河南蔡茂 案茂河內懷人此作河南轉寫之誤南監本不誤

京兆王況 玉有肅音玉篇廣韻並移點于上以爲王姓非也

宋宏傳

父尚成帝時至少府。班表失載。

嵩子由章和閉爲太尉。章和當作元和。

及其在賓。賓與殯同。說文殯死在棺。將遷葬。柩賓遇之。禮記曾子問篇而后辭于殯。鄭注殯讀爲賓。是古字通。監本作殯。

蔡茂傳

代戴涉爲司徒。司徒上當有大字。攷本紀戴涉之後尚。有太子太傅張湛爲大司徒。旋以病罷。故直云代涉爲之。

馮勤傳

司徒侯霸薦前梁令閻揚 司徒上亦當有大字

趙熹傳

幽并二州由是而定 案本紀建武十五年徙雁門代上
谷三郡民置常山居庸關以東二十六年郡民歸于本
土上谷代郡屬幽州雁門屬并州故云二州注以爲雲
中五原無論建武六年無此事且雲中五原俱屬并州
不得言幽并二州也

長子代給事黃門 案熹子名世永平中爲侍中見百官
志注今作代唐人避諱改

韋彪傳

今四巡舊都 四當作西南監本不誤

建初二年已封曹參後曹湛爲平陽侯 案皇后紀平陽
公主以永平三年封馮勤傳建初八年馮喬襲母公主
仍爲平陽侯薨無子永元七年復封喬兄勁爲平陽侯
奉公主之祀勁子卯卯子留皆嗣封竊疑建初中不應
有兩平陽侯又攷和帝紀永元三年詔以曹相國後容
城侯無嗣求近親紹封則曹參後之紹封非平陽乃容
城也

雖進退舒遲時有不逮 逮當作逮南監本不誤

官表傳

卽賜布帛帳帷什物 个人名一切器用爲什物本此

帝敏惜之 敏與閔古字通

後漢書卷之三
吳斗齋叢書
王丹傳

其隙媮者恥不致丹 媮俗字說文作媮懈也息也

杜林傳

得漆書古文尚書一卷常寶愛之 寶當作寶南監本不

誤

羣臣上言古者肉刑嚴重 事具梁統奏疏

郭丹傳

大司馬嚴光諱丹辭病不就 光當作尤前書王莽傳云

大司馬陳茂以日食免武建伯嚴尤爲大司馬

吳良傳

信陽侯陰就干突禁衛 陰興傳注云新陽屬汝南郡新

信古字通

車府令徐匡鉤就車 車府令主乘輿諸車

承宮傳

經典旣明乃歸家教授 樊樵傳云承宮爲海內大儒

拜侍中祭酒 侍中本有僕射一人中興改爲祭酒

趙典傳

初爲京兆郡丞 京兆前後漢皆不稱郡此郡字衍

只少卿志仕終乘高箱 箱車箱也謂郭丹果乘高車出

關

碑傳

此天下方知 方知當作知方南監本不誤

魯猶十數隻偶之類 十閩本作小通鑑作卜南監本不
誤

吾欲識決之何如 欲下閩本有以字

出爲六安郡丞 案郡國志建武十三年省六安國以其
縣屬廬江郡然則建武十三年以前爲六安國十三年
以後又併入廬江未嘗爲郡安得有丞此句疑誤

馮衍傳

注東觀記自明君以下皆是諫鄧禹之詞 案鮑永傳更
始二年以尚書僕射行大將軍事安集河東并州朔部
故衍疏云并州之地東帶名關北逼彊胡也若云諫鄧
禹禹乃前將軍非大將軍且禹所攻者河東非并州東

觀記誤矣

必懷周趙之憂 周當是害字之誤註說非也

聖人轉禍而爲福 結數句與前說廉丹書略同

拒擘宗王 宗王當作宗正

見排於魏青 魏當作衛南監本不誤

甲子之朝兮汨吾西征 汨讀與聿同

遵大路而裴回兮 裴回與上文裴回鎬京句複見

雖九死而不眠兮 眠古作瞑目之瞑說文瞑翕目也徐

鉉曰今俗別作眠非是

心悞憶而粉紘 悞憶與悞億同前書陳湯傳策慮悞億

義勇奮發顏籀曰悞億憤怒之貌

終怵憚而洞疑 楚詞七諫云心怵憚而煩冤兮王逸曰
怵憚憂愁貌大昭案說文解字念嘽也知古字作念嘽
拈桓文之謫功 方言擿取也郭璞曰擿古拈字說文擿
拾也前書藝文志云拈撫遺逸師古曰拈撫謂拾取之
馮豹傳

以詩春秋教麗山下 麗山卽驪山也在京兆新豐縣

後漢書辨疑卷五終

後漢書卷之六

是以人無賢愚莫不怨 闕本莫不下有爲字
而尊其宗黨 闕本尊下有崇字

迎承傳

太守苟諫擁護 前書外戚傳有水衡都尉苟參

安在河東并州朔部 舊有朔方刺史故云朔部建武十
一年省朔方刺史屬并州

遺詩諫大赤儲大伯 前書王莽傳有中郎儲夏

但幅巾與諸將及同心客百餘人詣河內 傅子曰漢末

王公卿士多委王服但以幅巾爲雅是以袁紹崔鈞之徒雖爲將帥皆著幘巾

迺拜丞爲魯郡太守 列女傳亦云丞爲魯郡太守案建武二年封兄子興爲魯王二十八年徙封北海嗣後以魯郡益東海見于史策碑碣者並云魯相不言太守傳云討破童憲其事在建武五年當云魯相不當云郡太守此傳及列女傳皆誤

唯別帥彭豐虞休皮常等 前書儒林傳有琅邪皮容後漢有涼州刺史皮楊

注還大夏城門中 大當作入洛陽十二城門夏門位在

亥

奉使如此何如 司隸校尉與部刺史同行過所部亦奉使也

鮑昱傳

後爲泚陽長 泚陽當作泚陽

如如失得何能致異 下如字當作有南監本是有字

但臣前在汝南典理楚事 校書郎楊終以爲廣陵楚淮陽濟南之獄徙者萬數其議與昱畧同

鄧暉傳

方今鎮歲熒惑並在漢分翼軫之域去而復來漢必再受命 此事續天文志失載

窮人屈元 屈闕本作於

車駕夜還懼拒關不開 此事與何湯事畧同湯事在謝承書桓榮傳注引之

蘇竟傳

今五星失晷天時謬錯辰星久而不効太白出入過度熒惑進退見態鎮星繞帶天街歲星不啗氏房 案續天文志皆失載

五月甲申天有白虹自子加午廣可十丈長可萬丈 案五行志失載

楊厚傳

統作家法章句 家法卽楊春卿緝表中先祖所傳祕記也

宜蠲法改憲之道 春秋保乾圖曰三百年斗歷改憲
是以洛陽大水 五行志注引此文作異水

太初元年 太當作本

郎顛傳

六日七分 六日七分之術本於易稽覽圖卦氣之法以
坎離震兌四正卦分主春夏秋冬爻主一氣餘六十卦
卦主六日七分始中孚終頤而周一歲之曰大指卽說
卦傳帝出乎震一章之文而推演之其以風雨寒溫驗
政治得失亦與洪範五行相爲表裏

易內傳曰 易內傳者稽覽圖文

久陰不雨亂氣也 稽覽圖曰久陰不雨亂氣雲之起也

欲德不用厥異常陰 欲闕本作賢

其後復寒者無寬之日也 日闕本作實

易曰天道無親常與善人 今易無此文當是易緯

變常而惡必致於異 於當作干

四始之缺五際之厄 詩正義引汜歷樞云大明在亥水

始也四壯在寅水始也嘉魚在巳火始也鴻雁在申金

始也注非是五際說見前書翼奉傳

孔子曰羸之始發大壯始君弱臣彊從解起 稽覽圖云

太陽一二以上自雷雷聲君弱臣彊雷從解起鄭康成

注云太陽謂一月大壯一二者陽爻在上雷聲盛聞于

人得自雷其卦中是消息

故易傳曰當雷不雷太陽弱也 稽覽圖云當雷不雷太陽弱不當雷而雷太陽弱鄭注云春分之後當雷不雷君弱于道德也秋分之後不當雷而雷此君弱于度誅罰不行邪臣跋扈于下陽氣放洩則雷冬行亂冬傷陽也

易傳曰陽無德則旱陰僭陽亦旱 稽覽圖曰陽無得則旱害物陰僭陽亦旱害物觀其政以別之

襄楷傳

臣切見去歲五月熒惑入太微 天文志八年五月壬午熒惑入太微右執法

其閏月庚辰太白入房犯心前星 天文志閏月己未太

白犯心前星此作庚辰未知孰是

今年歲星久守太微 天文志九年正月壬辰歲星入太

微中五十八日出端門

前七年十二月熒惑與歲星俱入軒轅 天文志七年八

月庚申歲星犯軒轅大星十二月乙丑熒惑犯軒轅第

二星

注時太尉陳蕃司徒劉矩司空劉茂云云 注本陳蕃傳

其說誤也說詳蕃傳

臣伏見太白北入數日 天文志九年六月壬戌太白入

輿鬼

郭伋傳

十一年省朔方刺史屬并州 案武帝置刺史十三人咸
帝更爲牧哀帝建平二年復爲刺史元壽二年復爲牧
經王莽變革建武元年復置牧十八年罷州牧置刺史
傳云朔方刺史誤也當從本紀作朔方牧觀下文云迺
調彼爲并州牧則是時安得有刺史邪

各騎竹馬道次迎拜 剛本竹馬下有於字

似謂別駕從事計日當告之 刺史行部則別駕從事奉
引錄衆事今名雖爲牧而其職卽刺史之職故其制同
杜詩傳

造作木排注排當作棗 案排古字棗俗字

張堪傳

桑無附枝 麥穗兩岐 麥穗通鑑作麥秀

堪去職之日 乘折轅車布被囊而已 同縣朱暉聞堪卒 後妻子貧困 厚賑贍之

廉范傳

不勝師資之情 范詣京師 受業事博士薛漢 故有師資之情 注引老子非

蘇章傳

永平中 爲奉車都尉 竇周軍出擊北匈奴 中師 案爲疑 當作從

以折折權豪 忤旨 上折字 闕本作摧 南監本同 蘇不韋傳

太原郭林宗聞而論之 何休稱名而郭泰稱字者蔚宗
遊家諱

羊續傳

太山平陽人也 續志泰山郡無平陽前志泰山有東平
陽

時拜三公者皆輸東園禮錢千萬 案靈帝時開鴻都門
榜賣官爵公卿州郡下至黃綬各有差其富者則先入
錢貧者到官而後倍輸是時段熲樊陵張溫等雖有功
勤名譽皆先輸貨財而後登公位

賈琮傳

舊典傳車駟駕垂赤帷裳迎於州界 詩云淇水湯湯漸

車帷裳注帷裳童容也其上有蓋四方旁垂而下謂之
禕顯宗賜荊州刺史郭賀三公之服敕行部去禕帷使
百姓見其容服以章有德蓋當時刺史之車皆有之

樊宏傳

封弟丹爲射陽侯 樊毅脩華嶽碑云有漢元舅五侯之
胄謝陽之孫洪景伯曰水經泚水西南流謝水注之詩
所謂中伯番番旣入於謝者樊丹封謝陽卽其國又云
自廣陵出白馬湖逕山陽城西卽射陽縣之故城高祖
封項繹爲射陽侯乃其地據此則傳以丹爲射陽誤矣
族兄忠更父侯 更父卽亢父任城縣也更亢古字通忠
藝文類聚作沖

樊儵傳

儵字長魚 旣字長魚則儵當從魚今從黑誤

詔儵與羽林監南陽任隗雜理其獄 任隗傳作羽林左

監此脫左字續漢志羽林左右監各一人主羽林左右
騎

臣等以荆屬託母弟 顯宗與荆皆出于光烈皇后

如今陛下子 今閩本作令

建武時吾家竝受榮寵一宗五侯 案五侯者謂壽張侯

宏射陽侯丹元鄉侯尋更父侯忠平望侯茂也長羅卽

宏初封國注以長羅壽張爲五侯之二非是

樊準傳

郡雄崩擾 郡當作羣

如沛國趙孝 案趙孝傳但言其節行不稱爲名儒史失

之疏

永平之初連年水旱災異 永平當作永初準以永元十

五年受知和帝所云連年災異與安帝本紀同此作永

平傳寫之譌

代周暢爲光祿勳五年卒於官 五年闕本作其年

陰興傳

後以此領侍中 陳景雲曰後當作復興前官侍中故言

復興

朱浮傳

朱浮字叔元 案浮父詡爲大司馬府吏董賢自殺伏辜
發棺羸尸埋獄中詡爲買棺衣收尸葬之王莽聞之大
怒以他罪誅詡

初從光武爲大司馬主簿 大司馬吳漢也

宜以和平而災異尤見者 尤閩本作猶

賜浮死 浮死之後國必除矣史不言國除失之

馮鮪傳

今日受誅死所無恨 所無當作無所

與太尉東萊劉喜 喜本紀作愆

和帝時詔封楊邑侯 詔疑當作紹

虞延傳

宗姓奢靡

姓當作性

時延爲部督郵 部當作郡玩下文以陳留督郵虞延故

句可見

二十三年司徒王況辟焉 大司徒于建武二十七年去
大此云二十三年當有大字

鄭巨君傳

遷淮陰太守 續漢志無淮陰郡唯淮陽郡章和二年改

爲陳國顯宗時猶未改也當作淮陽閩本亦誤

建初爲尚書令 建初下疑有脫落字

出爲平原相 原字誤案平原改爲王國在殤帝延平元

年建初時無此國也攷建初四年封皇子全爲平春王

卽于是年王薨國除則巨君之爲相乃平春并二房也
舊交阯七郡貢獻轉運皆從東冶 交阯七郡者南海蒼
梧鬱林合浦交阯九真日南也或疑交阯當作交州然
度尚傳亦云交阯刺史是交阯與朔方並有刺史也
方亦稱朔部或交阯亦稱交部乎

在位四年 四字誤巨君於元和元年八月爲太尉至元
和三年四月罷不及四年也

周章傳

其冬代尹勤爲司空 章爲司空在永初元年九月其冬
當作其秋

迺立和帝兄清河孝王子祐 祐當作祐

梁統傳

以訾十萬徙茂陵 十閩本作干

拜騰酒泉典農都尉 續漢志云邊郡置農都尉主屯田

殛殺

臣竊見元哀二帝輕殊死之刑以一百二十三事 宋書

刑法志引此疏作臣竊見元帝初元五年輕殊死刑三

十四事哀帝建平元年輕殊死者刑八十一市其四十

二市手殺人皆減死罪一等是用東觀記故與此小異

注凡首匿者爲謀自藏匿罪人 自閩本作首

誠不宜因循季末衰亂之軌 亂閩本作微

議者以爲隆刑峻法 議者卽杜林也事具林傳

梁冀傳

齠齒笑 次兒釋曰說文均匠也讀若齠方言均或謂之巧然則齠齒笑猶巧笑也

悉以定陶陽成除戶增封爲四縣 案梁商傳陽嘉二年封冀爲襄邑侯商辭不受商卒冀襲父爵爲乘氏侯至建和元年乃封冀子嗣爲襄邑侯故冀傳云并前所襲合三萬戶也此云四縣蓋指冀之乘氏冀子之襄邑又增定陶陽成合計之也

皆先到冀門賤檄謝恩 恩當作恩

冀諷州郡以它事陷之 冀諷有司奏融在郡貪濁免官

張純傳

毀廟及未毀廟之主皆登 登當作祭

張喬傳

父純臨終勅家丞曰 俟國家臣有家丞庶子各一人不
滿千戶不置家丞

十年僖耳降附 據本紀僖耳請曰慕義貢獻公卿百官
奉觴上壽在永平十七年此脫七字

章奏不能款心 款閩本作敘

官至建城門候 建閩本作津案雒陽城十二門有津門
注云當洛水浮橋則作津者是

曹襄傳

受詔議立七廟 七廟閩本作七郊注同案祭祀志建武

二年初制郊兆于雒陽城南爲圓壇八陛中又
天地位其上其外壇上爲五帝位青帝位在甲寅之地
赤帝位在丙巳之地黃帝位在丁未之地白帝位在庚
申之地黑帝位在壬亥之地天地黃帝各用犢一頭青
帝赤帝共用犢一頭是七郊之事也

非襲所定不可作 閩本作不可許

難與圖治 治閩本作始

鄭康成傳

然則公者仁德之正號不必三事大夫也 時稱三公爲
三事宋宏傳策曰太中大夫宋漢予嘉乃勲引登九列
將授三事未尅而終劉愷傳前世扶陽侯章元成近有

陵陽侯丁鴻鄱侯鄧彪並以高行潔身辭爵未聞貶削
而皆登三事崔篆慰志賦云嗟三事之我負兮乃迫余
以天威左雄傳云九卿位亞三事班在大臣周舉傳云
予嘉乃勲用登九列方欲式序百公亮協三事

飲酒一斛 續漢書云鄧元飲三百餘杯不醉見御覽七
百五十九

康成所注周易尚書毛詩云云 毛詩是箋衛宏傳亦云
鄭氏作毛詩箋然箋亦注之類故以注槩之周禮注見
行于今董鈞傳亦云康成作周官注此獨失載

其門人山陽郝慮東萊王基清河崔炎著名於世 陳景
雲曰案魏志王基傳但言據持鄭義與王肅抗衡不云

嘗師鄭氏計基年輩乃肅之儔非邾崔匹也同時又有樂安孫炎亦非肅讖短鄭氏炎本受學于鄭氏門人而唐孔氏詩疏誤以爲鄭氏之徒恐范史之失類此其餘亦多所鑿收 收當作拔南監本不誤

鄭興傳

昭速禍患 速讀如不速之客

咸曰朝廷若用功臣 若疑當作欲

君亢急則臣下促迫故行疾也 行疾上當有月字

鄭眾傳

對羶裘獨拜 前書匈奴傳云自君王以下皆食畜肉衣

其皮革被旃裘羶與旃古今字

爲長樂未央廡令 案續漢志未央廡令一人長樂廡丞
一人無長樂廡令安世所爲者疑是長樂廡丞未央廡
令來歷傳亦誤

陳元傳

凡四十五事 案范升奏左氏之失十四事又太史公違
戾五經謬孔子言及左氏不可錄三十一事合之爲四
十五事也

賈逵傳

又受古文尙書於塗惲 惲當作憚南監本不誤

張陵傳

不疑有愧色弟元 弟元上岡本有陵字是 卷六終

後漢書辨疑卷六終

後漢書辨疑卷七

嘉定錢大昭晦之甫學

桓榮傳

沛郡龍亢人也 尋下文事沛國桓榮句郡當作國

拜雍爲五更 雍當作榮

桓郁傳

郁以母憂乞身詔聽以侍中行服 是時公卿刺史二千石不得行三年喪惟桓郁祖焉聽其行喪皆以其身爲名儒特破格行之眞異數也然踰年已詔使者賜桓焉牛酒奪服矣

張酺魏應召訓亦講禁中 召訓儒林傳作召馴

桓典傳

注遷平津都尉 劉放曰平津非郡何得有都尉蓋是平
準令誤準爲津因轉令爲都尉也陳景雲曰靈帝中平
元年因黃巾之變特置八關都尉官平津其一也見靈
帝紀劉說非是

桓鸞傳

時太守向苗有名迹迺舉鸞孝廉 案鸞沛國人當爲國
相桓典之爲孝廉國相王吉舉之是其證也此云太守
誤矣

丁鴻傳

令繇能薄功微得鄉亭厚矣 漢法大縣侯位視三公小

馮煥位視上卿鄉亭侯位視中二千石

注以庶部爲六安國 廬下脫江字

大將軍雖不受 雖下閩本有云字

論於義不亦薄乎 史以鄧彪劉愷爲薄于義將子臧季
軋不足以風世乎

陸無傳

九江范甯周生等 順帝紀同馮緄碑作范突朱生

馮緄傳

父煥安帝時爲幽州刺史 馮煥神道云故尙書侍郎河

南京令豫州幽州刺史馮使君神道又馮煥殘碑云君

諱煥字平侯 闕 廉除郎中尙書侍 闕 遷豫州刺史鄭別

閩以鮮卑畔逆閩史策書嘉歎賜錢閩守以永寧二
年閩洪景伯曰其云北鮮卑叛逆則元初六年詔除
幽州時事也其云策書嘉歎賜錢者傳載帝愍之賜錢
十萬也

初舉孝廉七遷爲廣漢屬國都尉 車騎將軍馮緄碑云

君諱緄字皇卿

傳作鴻卿誤

幽州君之元子也少耽學問習

父業治春秋嚴氏韓詩倉氏兼律大杜弱冠詔除郎還
更仕邵厯詣曹史督郵主簿五官掾功曹舉孝廉除右
郎中蜀郡廣都長遭直荒亂以德綏撫政化流行到官
四載功稱顯著郡察廉吏州舉尤異遷健爲武陽令謀
疾卒熹以公去官部廣漢別駕治中從事辟司空府侍

御史中丞督使徐揚二州討賊范突朱生徐鳳馬
勉弘嬰等坐迫州郡進兵正法復辟司徒府廷尉左監
正治書侍御史廣漢屬國都尉隴西太守坐問吏卒旬
不分去官以羌駭動爲四府所表復家拜隴西太守上
病辟同產弟徵議郎復治書侍御史尙書遼東太守廷
尉太常車騎將軍南征五溪蠻夷黃加少高栢法氏趙
伯潘鴻等斬首萬級沈溺以千數降者十萬人收遺寶
布卅萬匹不費官財振旅還師臨當受封以謠言奏河
內太守中常侍左悺弟坐遜位拜將作大匠河南尹復
拜廷尉表荊州刺史李隗南陽太守成晉太原太守劉
瓚不宜以重論坐正法作左校後詔書特賞拜屯騎校

尉復廷尉奏中臣子弟不宜典牧州郡獲過左右遜位
永康元年十二月薨一娶金紫十二銀艾七墨綬將軍
體清守約既來歸塋遺令墳塋取藏形而已不造祠堂
可謂履眞者矣恐後人不能紀知官所更歷故刊石表
績以法來世孝桓皇帝以命將軍討此疆夷有桓桓烈
口之姿因謚爲桓洪景伯曰傳中遷絀及物故先後與
碑甚多盾許曼傳云隴西守馮緄始拜郡開綬皆有兩
本並分南北走曼策之曰三歲後爲邊將官有東名官
東行三千里後五年爲將軍南征延熹元年緄守遼東
尉鮮卑至五年拜車騎擊武陵蠻却與碑合

上言書典中官子弟不得爲牧人職 案此所謂中官專

指侍中尚書而中常侍不在其內故李固疏請爲中常侍設常禁同之中臣

度尙傳

拜郎中除上虞長 荆州刺史度尙碑云初奉歲計拜郎中除上虞長列女傳云元嘉元年上虞縣長度尙改葬曹娥

自右校令擢爲荆州刺史 碑云以從父憂去官更舉孝廉爲右校令續漢志右校令六百石掌右工徒

封右鄉侯遷桂陽太守 碑云是時南蠻蠢動擢拜

俗賓服遠人用綬封右鄉侯遷遼東太守旬月之間歲貉寧輯洪景伯曰碑云守遼東而傳作桂陽二說不同

羣賊十年逋誅最後深藏桂陽山谷閒尙多設方畧始能翦除恐或就守其壤不可得而辨也

尙後爲遼東太守數月鮮卑率兵攻尙與戰破之 據本紀及鮮卑傳鮮卑寇遼東屬國在延熹六年尙之討平當在是時至尙與抗徐擊破桂陽賊胡蘭等事在八年傳中後字誤

劉平傳

楚郡彭城人也 郡疑當作國地理志楚國有彭城縣章帝省楚人彭城國

仲不可以絕類 左氏襄廿三年傳云子展廢良而立太叔曰請舍子明之類

平狄將軍龐萌反於彭城攻敗郡守孫萌 是時彭城非郡不得有守本紀作楚郡太守

上被十創 十闕本作七

國相張宗謁請 國相琅邪王京之相也張宗字詣君自
有傳

趙孝傳

亭長先時間孝當過以有長者客掃灑待之 陳景雲曰
長者客猶言貴客卽下言田禾將軍子是也注未明了
淳于恭傳

教諭學問 論闕本作誨

縱我不得它人何傷 言我雖不得它人得之亦無傷也

劉般傳

時五校皆顯職閑 五校者屯騎越騎步兵長水射聲校

尉也皆掌宿衛兵

般常將長水胡騎從 續漢志長水校尉有司馬胡騎司

馬各一人

劉愷傳

卽獨解尚臧錮 時坐臧者皆禁錮故曰臧錮袁安爲河

南尹政號嚴明然未嘗以臧罪鞠人常稱曰凡學仕者

高則望宰相下則希牧守錮人于聖世尹所不忍爲也

茂與大尉陳蕃司徒劉矩共上書訟之 案司徒劉矩疑

有誤據本紀是時爲司徒者乃胡廣也

周磐傳

注陽夏屬淮南郡 案陽夏地理志屬淮陽郡國志屬陳

國注誤

趙咨傳

干綦賢者 綦闕本作目

班彪傳

扶風安陵人也 班超傳又云扶風平陵人攷地理志平陵安陵俱屬扶風而李善注文選引范史云班固北地人班氏不居北地卽云班壹避地樓煩樓煩屬雁門亦非北地

從漢元至武則以絕其功也 闕本則字在絕字下

班固傳

京兆祭酒晉馮 案京兆祭酒續漢志所無攷周磐傳云
太守韓崇召蔡順爲東閣祭酒隸釋司空孔扶碑有士
曹屬東閣祭酒許冲上說文解字表云臣父故太尉南
閣祭酒此云京兆祭酒疑亦京兆之屬官

則天下之奧區焉 奧文選作隩注引說文隩四方之土
可定於者也是奧隩古字通

是故橫被六合 橫被卽光被崔篆慰志賦云聖德滂以
橫被兮黎庶愷以鼓舞亦此意注引文穎說謂關西爲
橫疑誤

度宏規而大起 度文選作危注引小爾雅云羌發聲也

慶典茂聲相近慶又譌爲度也

故窮奢而極侈。奢文選作泰。蔣宗避家諱改。

七相五公。文選注以五公爲御史大夫杜周徙茂陵御

史大夫張湯前將軍蕭望之右將軍馮奉世大將軍史丹並徙杜陵也。大昭案漢制丞相太尉御史大夫爲三公。前後左右將軍位上卿不得爲公。李善說非是。

桑麻敷菜。敷文選作鋪。案敷鋪古字。通常武詩鋪敦淮

澆鄭解鋪爲陳韓詩作敷云大也。

於是元墀卸切。切古砌字。文選作砌。

混建章而外屬。而下脫連字。

雖輕信與僂狡。信文選作迅。

軼埃盭之混濁 盭文選作塌案淮南子兵畧訓云揚塵
起塌高誘曰塌埃也蓋塌古字盭今字

舉燧命爵 爵文選作酬注引說文云酬飲酒盡也

元鶴白鷺 文選元鶴上有鳥則二字

鶴鵠鴟鴞 鴟字誤文選作鴞

迷風舉雲搖 文選迷下有乃字

浮游普覽 文選皆作溥案普溥古字通小雅北山云溥

天之下孟子荀子皆引作普

班固傳下

主人喟然而歎曰 文選作東都主人

功有橫而當天計有逆而順人 文選功作攻計作討

以變子之或志 或古惑字文選作惑

故下民號而上愬 愬文選作訴案說文訴告也愬或體

字

致命于聖皇 致命上文選有乃字

體元立制 易文言曰元者善之長也君子體仁足以長

人此體元二字所本

妙古昔而論功 妙文選作眇眇古字

敷鴻藻 文選作鋪敷鋪古通說詳于前

吐爛生風 爛文選作爛

以命三驅 以命文選作申命

游基發射 文選游作山

士怒未泄

文選泄作沫避太宗諱

自孝武所不能征孝宣所不能臣

文選作自孝武之所

不征孝宣之所未臣

伶侏兜離

伶文選作傑

於是聖上親萬方之歡娛

親文選作覩

注前書平帝立舉學宮舉字疑衍平帝紀無此字

獲白雉兮效素烏

效素烏下文選有嘉祥阜兮集皇都

句

時北單于遣使貢獻

遺當作遺

第五倫傳

倫始以營長詣郡尹鮮于褒褒上谷人見陰興傳

補淮陽國醫工長 爲淮陽王延之醫工長也續漢志云
主階藥比四百石

敢不自聞 自疑是呂字之譌

此臣之至所願也 至所二字當乙

君子有疾 君當作吾

少子頡嗣 嗣字疑衍倫未封侯以史例推之不當有嗣
字

第五種傳

乃謂其友人同縣閻子直及高密甄子然 案閻甄二人
依史例當書其名

鍾離意傳

所步多蒙全濟 步當作部南監本不誤

近臣尚書以下至見提拽常以事怒即藥崧以杖撞之

案宋均傳均嘗劾疑事帝以爲有姦大怒收郎縛格之均執義不撓卽令貰郎寒朗傳以謁者守侍御史與三府掾共案楚獄帝怒罵曰更持兩端促提下此皆明帝時事也申屠剛傳云尚書近臣至乃捶撲牽曳於前羣臣莫敢正言剛每輒極諫又虞延傳云二十年東巡還經封丘城門門下小不容羽蓋帝怒使撻侍御史延因下見引咎遷制詔日以陳留督郵虞延故貰御史罪此皆光武時事也蓋東都初制如此豈獨明帝之徃福察耶又左雄傳云時大司農劉據以職事被譴加以捶

撲雄上言九卿位亞三事班在大臣孝明皇帝始有撲
罰皆非古典帝從之其後九卿無復捶撲者據此是光
武所捶撲者止是尙書侍御史明帝則撲及九卿矣故
史家以褊察譏之

注東觀記意在堂邑云云 案此注當在上文遷堂邑令
之下

宋均傳

宋均字叔庠 隸釋司空宗公碑云公名俱以察孝爲城
門侯歷郎中議郎五官中郎將越騎校尉汝南太守少
府太僕太常司空祖父司隸校尉父長沙太守范史靈
帝紀太常宗俱爲司空又云司空宗俱薨宋均傳云族

子意意以章和中爲司隸校尉孫俱靈帝時爲司空碑
與史皆合惟傳誤以宗爲宋耳

注浚道縣屬廬江郡 兩漢志浚道俱屬九江注誤
遷東海相 爲東海王彊之相也

寒朗傳

寒朗字伯奇 案寒姓前書游俠傳有陝人寒孺

乃召朗入問曰 乃召上閩本有帝字

光武十王傳

東海恭王彊 處臣三女小國侯 案皇后本紀云皇女

封縣公主諸王女皆封鄉亭公主肅宗特封東平王蒼
琅邪王京女爲縣公主傳所云小國侯卽此類也其三

女封地可攷者惟比陽公主適安豐侯竇融子勲其二
女未詳封地注以爲婦人封侯失之矣

楚王英

晚節更喜黃老學爲浮屠齋戒祭祀

初帝聞

西域有神其名曰佛因遣使之天竺求其道得其書及
沙門以來其書大氏以虛無爲宗貴慈悲不殺以爲人
死精神不滅隨復受形生時所行善惡皆有報應故所
貴脩煉精神以至爲佛善爲宏闊勝大之言以勸誘愚
俗精於其道者號曰沙門於是中國始傳其術圖其形
象而王公貴人獨楚王英最先好之

歡喜天思

思闕本作恩

東平憲王蒼

要帶十圍

十圍本作八

況臣居宰相之位 將軍非宰相也時蒼以諸侯王爲驃
騎將軍位在三公之上故自稱宰相

得王深策快然意解 快通鑑作恢注云恢然猶廓然也
近令從官古霸 邳憚傳有長沙孝子古初廣韻云蜀志
有廣漢功曹古牧

又以吉凶俗數言之亦不欲無故繕脩丘墓有所興起
此種俗忌漢人亦有之

追封禰之深思 封當作祖

問饗衛士於南宮 問當作閒

其沛濟南東平中山四王讚皆勿名 時楚廣陵琅邪東
海王竝先薨阜陵雖在有辜貶侯故止云四王也

惟建初八年三月己卯 本紀作辛卯

忠立十一年薨 十字衍

任城孝王尚 桓帝立河閒孝王子恭爲參戶亭侯博爲

任城王以奉其祀 案子恭二字當乙恭下爲字衍文

靈帝復立河閒貞王遜子新昌侯佗爲任城王 遜當作

建

阜陵質王延 子淮王恢嗣 淮當作懷

廣陵思王荆 易於太山破雞子 易於上闕本有寧有

量邪若歸并二國之眾可聚百萬君王爲之主鼓行無

前功共二十五字此脫當據補

琅邪孝王京 案皇后本紀云肅宗封東平王蒼琅邪王

京女爲縣公主乃本傳于東平則云封蒼五女爲縣公主于琅邪則不書亦失之疏

帝悉以太后遺金寶財物賜京 賜京有詔書在東平王

蒼傳

朱暉傳

故以暉爲衛士令 百官志南宮衛士令一人北宮衛士令一人秩皆六百石

注建武十六年四方牛大疫臨淮獨不 案暉爲臨淮太守在永平時攷五行志建武十六年無牛疫事而于永平十八年則云牛疫死卽其時也注誤

初暉同縣張堪 暉南陽宛人此云同縣卽漁陽太守也

何書張林 林係實憲所薦由真定令遷尚書素行貪污
後以臧污抵罪

誠非明主所當宜行 當宜二字重複一本無當字

朱穆傳

又著絕交論注詩云威儀棣棣不可選也 選闕本作算

選算古字通說詳前書公孫劉田傳贊此作選蓋爲淺

學者妄改朱板亦作算

而面諭之臣猶言安耳 諭當作諛

河溢漂害人庶數十萬戶 五行志注引此傳作數千萬

戶

何敞傳

山安懼然不敢答 由太尉朱由也安司徒袁安也懼然
與懼然同

奏王侯就國 漢制藩王朝位禮畢各就國不得留京師
時肅宗篤于親親故叔父濟南中山二王入朝特加恩
寵及諸昆並留京師不遣就國故敵及之

遂令人刺殺暢於城門也衛之中 韓棧傳作上東門竇
憲傳作上東門也衛之中此云城門卽上東門也

陛下履晏晏之姿 尙書考靈曜曰堯聰明文塞晏晏
縣官無用 謂帑藏空虛也

三遷五官中郎將 張輔傳作左中郎將

常念疾中常蔡倫 中常下當有待字

後漢書辨疑卷七終

後漢書辨疑卷七

十四

傅李沈托
與斗齋藏書

後漢書辨疑卷八

嘉定錢大昭晦之甫學

鄧彪傳

詔以光祿大夫行服 彪本太僕也而以光祿大夫行服
桓郁本越騎校尉也詔聽以侍中行服桓焉本太傅也
聽以大夫行喪蓋侍中光祿大夫皆無定員且非中二
千石卽有以憂乞身者或可聽許其實仍遵舊制公卿
二千石不行三年服也

又嘗奏免御史中丞周紆 奏紆在任過醕不宜典司京
輦

紆前失竇氏旨 失黃門郎竇篤旨也

張禹傳

祖父況族姊爲皇祖考夫人 案皇祖考夫人當云皇考
夫人夫人是況之族姊故光武呼況爲大舅祖字衍注
亦誤

選下邳相 惠王衍之相也

永元六年入爲大司農拜太尉 案張禹代張酺爲太尉
本紀在永元十二年九月丙寅非六年也

張敏傳

徵拜司位 司位當作司空案敏代周章爲司空據本紀
在永初元年此當有永初元年四字則下文六年二字
有根否則竟似延平六年矣南監本不誤

胡廣傳

廣與尙書郭虔史敞上疏 案杜根傳作僕射郭虔此云尙書蓋虔爲尙書僕射也

袁安傳

乃上立降者左鹿蠡王阿佟爲北單于 阿佟疑卽於除韃也袁紀作阿脩左當作右

乃獨上封事曰 此章是廬江周榮具草

彭弟湯字仲和諸儒稱其節 案王堂傳云尙書令袁湯以求屬不行恨之後廬江賊入弋陽界堂追討奔散湯猶因此風州奏堂免官據此則湯非正人矣傳乃云諸儒稱其節何耶

湯長子成左中郎 郎下當有將字

逢字周陽 案延熹四年七月逢爲宏農太守遷京兆尹

見西嶽華山廟碑傳未之及

袁敞傳

歷爲將軍大夫侍中 爲闕本作位

元初三年代劉愷爲司空 本紀在二年

情斷意其 其當從闕本作訖

陛下垂澤 垂闕本作聖

識臣狀貌傷臣眼目 兩臣字闕本俱作其

張酺傳

敖子壽封細陽之池陽鄉後廢因家焉 宋前書功臣表

張敖子受封樂昌侯樂昌屬東郡蓋壽封國在東郡之
樂昌兼食細陽之池陽鄉子孫遂爲細陽人猶張安世
封國在陳留之富平子延壽徙國于平原而其名如故而其所食別邑
乃在魏郡之武始延壽之元孫純光武遂封爲武始侯
也

今賜莊三十萬 使之辦裝也莊當作裝

前郡守以青身有金夷 左氏成十六年傳云察夷傷服

虔曰金劍爲夷

驕稱卿意 驕疑當作矯

十五年復拜爲光祿勳 五當作六

韓稜傳

尚書左丞王龍私奏記上牛酒於憲 實憲爲大將軍征
匈奴公卿以下及郡國無不遣吏子弟奉獻遺唯東平
相應順守正不阿卽韓棧所舉良吏也

周景傳

景字仲饗 吳志周瑜傳注引謝承書作仲嚮

東陽侯侯覽 宦者傳作高鄉侯

郭躬傳

奉車都護竇固 護當作尉南監本不誤

郭鎮傳

建武二年代劉寵爲太尉 建武當作建寧南監本不誤
廷尉七人 本傳郭氏爲廷尉者止有五人

陳寵傳

斷獄者急於筭格酷烈之痛 筭晉書刑法志引作榜

顯用良吏王渙鐔顯等以爲腹心 和帝問寵在郡何以

爲理對曰臣任功曹王渙以簡賢選能主簿鐔顯拾遺

補闕臣奉宣詔書而已帝大悅顯後爲長樂衛尉見班

勇傳

千五百耐罪 晉書刑法志五百下有七字

陳忠傳

奏上二十三條爲決事比 晉書刑法志引作三十三條

母子兄弟相代死聽教所代者 時河閒人尹次潁川人

史玉皆坐殺人當死次兄初及玉母軍竝詣官曹求代

其命因縊而物故陳忠以罪疑從輕活次玉范蔚謂開
父子兄弟得相代死議其大謬也

及直道之士馮良周燮杜根成翊世之徒 良南陽人字
君郎志行高潔非禮不動翊世字季明官尚書周燮杜
根自有傳

班超傳

家貧常爲官傭書 東觀漢記云班超家貧爲官傭寫書
投筆歎曰大丈夫獨不效傅介子立功絕域之地以封
侯安久筆耕乎見文選薦士表注

注鄴陽關一千六百里去長安一千六百里 案漢書云
去陽關一千六百里去長安六千一百里當從漢書

因立其故王兄子忠爲王 後漢紀云求索故王近屬得
兄榆勅立之更名忠

注烏孫以爲右夫人 右漢書作左

假鼓吹幢麾 以注校之鼓吹當作橫吹

復遣假司馬和恭等四人 廣韻和姓本自義和之後一
云卞和之後卞案後漢有右北平太守和旻

忠說康居王借兵還據損中 損字疑誤西域傳靈帝建

寧三年涼州刺史孟雲遣兵討疏勒攻楨中城卽此

遣其左將此韃支 此下文又作北閩本作比

班勇傳

而抱屯戍之費 抱讀與拋同說詳安成季侯賜傳

呼衍王亡走 閩本呼衍王三字不重

至今且谷 今閩本作金

梁謹傳

謹富勇氣 富閩本作有

何熙傳

陳國人 何熙書國不書縣案熙曾孫夔陳國陽夏人魏

志有傳

及在軍臨沒遺言薄葬 在軍謂永初三年熙以行車騎

將軍討南單于也

臨謹並有政能 百家譜云臨字子陵爲平原太守見李

固傳注

楊終傳

及遠屯伊吾樓蘭車師戊己 及閩本作又

鑿金前往 往閩本作世

注終徙於北地望松縣 案郡國志北地無望松縣班志
望松縣屬上郡益部耆舊傳誤也

翟輔傳

注宜升厯改憲 升當作斗見春秋保乾圖古斗字作升
與升相近故傳寫誤耳

諸生橫卷 橫古贊字學堂也卷閩本作巷

應奉傳

贊生彬彬生奉 彬閩本皆作彬

應劭傳

劭字仲遠 劉寬碑陰有故吏南頓應劭仲瑗洪景伯曰
官儀既劭所著又此碑可據則知遺援皆非也

大將軍掾韓卓議 卓字子助陳留人

又刪定律令爲漢儀 宋刑法志作漢議

故膠東相董仲舒 東當作西

著漢官禮儀故事 漢官下脫儀字魏志王粲傳注云著
漢官儀及禮儀故事凡十一種

爰延傳

縣令隴西牛述 廣韻牛姓出隴西周封微子於宋其裔
司寇牛父敗狄長丘子孫以王父字爲氏

陛下以河南尹鄧萬 鄧萬者鄧萬世也封南鄉侯章懷
避諱刪世字

徐璆傳

父淑爲度遼將軍有名於邊 攷歷任度遼將軍無徐淑
度遼屬官有長史司馬此當是屬官

王充傳

乃造性書十六篇 性書闕本作養性書

王符傳

乃隱居著書三十餘篇 今見存三十五篇序錄一篇
貴忠篇曰 今潛夫論與此微有異同詳畧

明帝葬洛南 南闕本作陽

春秋以爲非君 非闕本作不

華元樂舉厚葬文公 舉潛夫論作呂

乖實趨華 乖闕本作背

仲長統傳

名曰昌言凡三十四篇 魏志劉劭傳注作一十四篇

苟運智詐者則得之焉 闕本苟下有能字

向者天下戶過千萬際其老弱 際當作除

孝明八王傳

彭城靖王恭 封定兄弟九人皆爲亭侯 據東觀記當

作兄弟八人

樂成靖王黨 注脩縣及條縣皆屬勃海 案班志勃海

郡有脩市應劭曰音條積志勃海郡有脩無條章懷注
誤

下邳惠王衍 子哀王宜嗣數月薨 案數月二字衍文

因上文有數月薨句相涉而譌耳中平元年至建安十
一年相距二十年豈數月乎熊方表亦然是宋本已誤

梁節王暢 暢猶被愛幸 案猶當作尤南監本不誤

還餘所食四縣 四縣謂下邑碭鄆薄也

志匪由于咎在彼小子 于當作王

淮陽頃王嗣永平五年封常山王 五年當作十五年脫
十字

永平二年 當作永元南監本不誤

永嘉元年 當作元嘉

濟陰悼王長 以東郡之離孤 孤當作狐

陳禪傳

而禪定訕朝政 定當作廷言于朝廷之上肆行訕謗南
監本不誤

橋元傳

補洛陽左尉 百官志尉大縣二人小縣一人雒陽大縣
故有左右尉魏武紀除洛陽北部尉

及高句驪嗣子伯固 伯固句驪王遂成之子也

曰府舉元爲度遼將軍假黃鉞 假黃鉞始見于此

懿德高軌 魏武帝本紀注載此文作誕敷明德

特以頑質見納君子 魏本紀注作特以頑鄙之姿爲大

君子所納

崔駰傳

吾亦病子屑屑而不已也 屑屑說詳前書王莽傳注非

注禮漫漫兮 禮當作糺

注扶人無容 容當作咎

崔寔傳

屈子之所以慮其幽憤者也 慮當作攄

故宜參以霸政 霸政下闕本重霸政二字

錮之銀鉛鐵鎖 銀鑄古作琅當前書西域傳云後軍候

趙德使尉賓國與陰末赴相失陰末赴鎖琅當德師古

日琅當長鎖也又王莽傳云以鐵瓊琅當其頸傳詣鍾

宮

黃憲傳

既而前至袁閔所注闕一作閔 陳景雲曰黃憲袁閔俱

慎陽人故荀淑有子國顏子之語慎陽本侯國也若汝陽袁閔與憲同郡異縣則作閔非矣

叔度汪汪若干頃陂 此事又見郭林宗傳者乃俗本誤以注文雜入也

楊震傳

八世祖喜高祖時有功封赤泉侯 楊震碑云聖漢龍興

楊憲佐命克項于垓公侯之胄必復其始

明經博覽無不窮究 碑云公實履忠貞恂美且仁博學
甄微靡道不該又明尚書歐陽河洛緯度窮神知變與
聖同符鴻漸衡門羣英雲集成共酌其流者有踰三千
至德通洞天爵不應貽我三魚以章懿德遠近由是知
爲奕世繼明而出者矣

年五十乃始仕州郡 碑云州郡虛已競以禮招大將軍
辟舉茂才除襄城令遷荊州刺史東萊涿郡太守所在
先陽壽以布化後秋霜以宣威寬猛惟中五教時叙
徵入爲太僕遷太常 碑云功洽三邦聞于帝京旋徵本
朝歷太僕太常遂究司徒太尉

尋有河閒男子趙騰詣闕上書 張皓傳云時清河趙騰

上言災變譏刺朝政章下有司收騰考繫所引黨輩八十餘人皆以誹謗當伏重法皓上疏諫帝乃悟減騰死罪一等餘皆司寇按皓傳所云疑卽此事惟彼傳作清河此作河開男子彼傳作減死一等此作伏尸都市未知孰是

有大鳥高丈餘集震喪前 碑云立朝正色恪勤竭忠無德不施靡惡不刑將訓品物以濟大清而青蠅嫉正醜直實繁橫共構譖慷慨暴薨于時羣后卿士凡百梨萌靡不歔歔垂涕悼其爲忠獲罪乾監孔昭神鳥送葬王室感寤姦佞伏辜公功乃伸追錄元勳策書慰勞賜贈有加除二子郎中

震五子 據碑文五當作四碑云長子牧富波侯相次讓
趙常山相次秉寔能續脩復登上司陪陵京師次奉黃
門侍郎牧子統金城太守沛相讓子著高陽令皆以宰
府爲官奉遵先訓易世不替天鍾嘉祚永世罔極

長子牧富波相 富波下當有侯字牧子見於碑刻者二
沛相楊統碑云順帝以統忠臣之苗特召爲郎中歷官
常山長史健爲府丞嗣陽侯相金城太守車騎將軍從
事議郎五官中郎將沛相以靈帝建寧元年卒繁陽令
楊君碑云富波君之少子也爲郡功曹郎中右都候繁
陽令會叔父太尉公薨委榮去官投敵如遺吏民攀轅
老幼輒輪追慕跋涉蓋二千餘人續留守關上書歷年

運殺萬斛助官振貧以乞還君自非慈愛孰能若茲

楊秉傳

并以病乞退 并當作秉

楊賜傳

於中孚經曰蜺之比無德以色親 易稽覽圖曰黃之比知善不舉青白之比疑也黑之比不掩惡也白之比弱也覽之比無德以色親也

章帝八王傳

清河孝王慶 尙旣以薄祜 尙字係上注文誤作大字
子女十一人皆爲鄉公主 可攷者唯陰城公主適班始
見班超傳

濟北惠王壽 特贖錢三千萬布三萬匹 自中興至和
帝時皇子始封薨者皆贖錢三千萬布三萬匹嗣王薨
贖錢千萬布萬匹其後典制雖改而壽因尊親仍用中
興舊制

河間孝王開 按開字疑誤本傳濟南王開卽係孝王七
世孫不應與遼祖同名當從任坊志曰傳作壽

子德爲安平王 德本紀作得封得爲安平王本紀在延
光元年非永寧元年事

譖鄧騭兄弟及僕 儀當作翼

建和二年更封帝兄都鄉侯碩爲平原王奉翼後 按碩
翼吾侯翼之子也翼以河間孝王子出後平原懷王勝

建光元年貶都鄉侯遭還河間勝傳云安帝廢翼國除
不言有王碩嗣封是平原國已改爲郡矣嗣後翼復受
蠡吾侯封由其父孝王分國與之故祖之封碩紀云奉
孝崇皇祀傳云奉翼後卽追尊本生亦止及翼與孝王
不及懷王勝可見碩以帝兄特封非繼絕也熊方以碩
爲紹封懷王非是

張皓傳

張皓字叔明 皓蜀志張翼傳作浩

張綱傳

司徒辟高第爲御史 劉志注引續漢書有侍字

書御京師震竦 書下當有奏字

種嵩傳

時所遣八使光祿大夫杜喬周舉等 八使中杜喬本紀
作侍中非光祿大夫也然周舉傳云八使竝守光祿大
夫

時太傅杜喬等 太傅當作太尉時建和元年也

君世也見杜喬傳

後梁州羌動以嵩爲梁州刺史 陳景雲曰梁當作涼漢
無梁州至晉始置耳

陳球傳

稍遷繁陽令 陳球碑云爲東城門候遷繁陽令陳球後

後漢書卷之六
三
樊牛齋藏書
碑云除郎中尚書符節郎慎陵園令換中東城門候遷
繁陽令遭繼母憂禮紀向闕

復辟公府 碑云喪母去官服除辟司徒府拜侍御史

遷南陽太守 後碑云遷南陽太守父病去官居家半年

宏授廷尉

陳廷尉建此議甚健 洪景伯曰二碑所存者事迹皆與
傳合至廷尉永樂時則一辭不措故熹平之議光和之
謀咸無焉殆有所畏而然也嗚呼東漢開寺之盛人主
拱手君子喪氣然剛毅之士寧接踵以赴死不詘身以
媚竈故漢道雖曰陵遲而能立國又百餘年者忠臣義
士之力也

後漢書辨疑卷八終

